

Transkript konferencije za medije međunarodnih organizacija

OHR, Mario Brkić

OSCE, Zinaida Delić

EUFOR, Lt Cdr Chris Percival

NATO HQ, Maj Dwight Mood

ICTY, Matias Hellman

OHR

Parlamentarci predlažu poveanje sopstvenog budžeta

Bosanskohercegovački parlamentarci se ponovo spremaju pokušati povećati beneficije i privilegije na koje imaju pravo po Zakonu o pravima i dužnostima članova Parlamentarne skupštine BiH. Ovaj zakon danas razmatra Ustavno-pravna komisija Zastupničkog doma BiH. Tekst ovog zakona je u potpunosti isti kao tekst prezentiran Parlamentu krajem 2003. godine, koji je nakon toga odbijen kao rezultat ogorčenosti u medijima i među javnosti.

Usvajanjem ovog zakona bi se stvorili značajni budžetski prijedlozi koje državni budžet neće biti u mogućnosti da pokrije. Postaviće se presedan za druge vladine institucije. Apsolutno je neodbranljiv argumenat zbog činjenice da penzioneri, korisnici socijalne pomoći, nastavnici, te ostali budžetski korisnici jedva sastavljaju kraj sa krajem. Navest ću samo jedan primjer: ovaj zakon bi omogućio da parlamentarci imaju penzije u iznosu oko 2,500 KM dok prosječna penzija u BiH iznosi 197 KM.

Ovaj prijedlog je naročito skandalozan što dolazi baš u vrijeme kada bi vlasti trebale da se suoče sa neodrživim

troškom uprave. Skupa administrativna struktura znači da građani plaćaju previše za premalo usluga. Pošto je čak i status quo fiskalno neodrživ, djelovati sada na povećanju ovog opterećenja je neobranjivo. Parlamentarci bi trebalo da raspravljaju kako unaprijediti živote građana, a ne kako da unaprijede, već privilegovane, okolnosti za sebe.

Također je važno primjetiti da je Predstavnički dom BiH na svojoj 43. sjednici, održanoj 8. septembra 2004. godine, uveo moratorij na sve zakone i odluke koji daju nove privilegije izabranim zvaničnicima. Jednostavno rečeno, ako Zakon o pravima i dužnostima članova Parlamentarne skupštine BiH sutra bude usvojen, Ustavno-pravna komisija Predstavničkog doma direktno će prekršiti svoju vlastitu odluku.

Ambasador Wnendt u posjeti Mostaru

Viši zamjenik visokog predstavnika Werner Wnendt danas je u Mostaru gdje ima planirane sastanke sa gradskim čelnicima. Ambasador Wnendt će sa gradonačelnikom Bešlićem i predsjednikom gradskog vijeća Muratom Ćorićem razgovarati o trenutnom stanju procesa ujedinjavanja grada Mostara sa težištem razgovora na ujedinjavanju institucija.

Viši zamjenik visokog predstavnika će također posjetiti prostorije Agencije za državnu službu FBiH, područni ured u Mostaru gdje će se sastati sa voditeljicom ureda Mirjanom Kutanjac sa kojom će razgovarati o provođenju zakona o državnoj službi u Hercegovačkoneretvanskoj i Zapadnohercegovačkoj županiji.

Od presudne je važnosti da se Agencija za državnu službu FBiH i njeni područni uredi što prije stave u punu funkcionalnost jer ova agencija je ta koja će voditi reorganiziranje i unaprjeđenje usluga građanima Federacije BiH i tu čitavom spektru aktivnosti u kojem državni službenici pružaju usluge građanima.

Kao dio reforme javne uprave u BiH, OHR pomaže domaćim

vlastima u izgradnji moderne, profesionalne i na kvalitetima zasnovane državne službe a što će na kraju rezultirati uslugama koje građani BiH trebaju te će ventualno olakšano voditi putu BiH u Europske strukture.

OSCE

Ambasador Davidson naglašava važnost administrativno-pravnog ujedinjenja dvije škole pod jednim krovom

Ambasador Douglas Davidson, šef Misije OSCE-a u Bosni i Hercegovini posjetio je, prošlog petka, školu Lipanjske zore u Čapljini. Ovaj sastanak je bio nastavak posjete šefa Ureda za obrazovanje OSCE-a, iz maja 2004.g., a koji je se desio na poziv lokalnih vlasti.

Prilikom posjete, ambasador Davidson je razgledao školu i posjetio je učionice. Tokom razgovora koji je uslijedio sa direktorom škole i koordinatorom za nastavni plan i program FBiH, ambasador je naglasio važnost završetka procesa administrativno-pravnog ujedinjenja škole, kao što je to bilo raspravljano i započeto prije skoro godinu dana. U isto vrijeme, naglasio je da je njegova Misija svjesna važnosti osiguranja jednakog poštovanja razlilčitih nastavnih planova i programa.

Ambasador Davidson izvještava Stalno vijeće OSCE-a o razvoju događaja u BiH

Šef Misije OSCE-a u Bosni i Hercegovini, ambasador Douglas Davidson, će govoriti pred 55 članova Stalnog vijeća OSCE-a u Beču, u četvrtak, 17. februara.

Ambasador Davidson će obavijestiti članove Stalnog vijeća o rezultatima, kao i o dinamici provođenja aktivnosti u svakom od programa Misije, koji uključuju: demokratizaciju, ljudska prava, obrazovanje, reformu javne administracije, kao i sigurnosnu saradnju.

EUFOR

Prevod nije dostupan

NATO HQ

Prevod nije dostupan

ICTY

Prevod nije dostupan

Pitanja i odgovori:

OHR:

Da li ima pitanja? Nick?

Novinar – Nick:

Nekoliko pitanja za OHR: U svjetlu značajnih tvrdnji iznijetih u današnjem izdanju Guardian novina vezano za firmu koja učestvuje u projektu kanjona Tare, koje Ured za borbu protiv prevara Velike Britanije sada istražuje, hoće li OHR sada obustaviti ovaj projekat? Drugo, može li OHR dati komentar o tvrdnjama da su ove optužbe stvorile tenzije između ureda Lord Ashdown-a i Britanskih diplomata? I kao treće, gdje je izvještaj revizora Republike Srpske o Elektroprivredi, koji je Lord Ashdown naredio da se sačini prije nekih osamnaest mjeseci.

OHR:

Ukratko, ne mogu komentirati te špekulacije o navodnim odnosima između bilo koga, uključujući Ashdown-a i diplomate. Ali reći ću jedno, ovaj slučaj je trenutno pod sudskim razmatranjem, vjerujem da Vam je ovo poznato, i zbog ovakve situacije, kako već znate, mi nikada ne komentiramo pitanja koja su predmet nekog sudskog postupka i zaista Vam ne mogu

reći ništa više u ovom trenutku.

Novinar- Nick:

I gdje je izvještaj revizora Republike Srpske koji je OHR naredio da se sačini? Gdje je taj izvještaj?

OHR:

Gdje je izvještaj revizora Republike Srpske?

Novinar- Nick:

Da.

OHR:

Pa, mogli biste to pitati vladu, mislim stvarno Vam trenutno ne mogu odgovoriti na to pitanje. Ali ovo na što se vaše pitanje odnosi se trenutno razmatra u sudu.

Novinar- Nick:

Ali Lord Ashdown je tražio da se ovaj izvještaj sačini?

OHR:

To je izvještaj sačinjen od strane Ureda glavnog revizora Republike Srpske, ja vjerujem da je to tačan naziv.

Novinar- Nick:

Ali Lord Ashdown je naručio taj izvještaj?

OHR:

Pa to je izvještaj sačinjen od strane vlasti Republike Srpske. Te...

Novinar- Nick:

Da li Lord Ashdown ima primjerak izvještaja?

OHR:

Pa da, dobili smo primjerak.

Novinar- Nick:

Možemo li dobiti primjerak?

OHR:

Pa, s obzirom da je to izvještaj od zvanične institucije Republike Srpske, želim reći da zavisi od njih da li, i kome će izvještaj podijeliti, međutim, ne vjerujem da bi to trebao biti problem.

Još neko? Almir?

Novinar – Almir:

Da li je OHR dobio izvještaj komisije Ministarstva Odbrane Bosne i Hercegovine o sistemskim propustima u funkcionisanju sistema odbrane u Republici Srpskoj? I, ako jeste kada se može očekivati odgovor, odnosno pošto taj izvještaj treba ići u parlament?

OHR:

Da, rok je bio do 14., mi smo primili taj izvještaj, međutim kada bi on mogao ići dalje...on je trenutno sada na razmatranju, mi ćemo se u svakom slučaju truditi da to bude što prije i da se oglasimo po tom pitanju. Za sada Vam zaista ne mogu reći neki precizniji termin.

Još neko? Ok, hvala Vam.